

160189
133
部=7



平陽府志卷之二十

宦績

左氏載子產相鄭事聲施爛然彪炳春秋矣及觀史記
列傳乃僅第之循吏漢代吏治莫盛於孝宣之世而班
固傳循吏自景及宣才得六人六人之中黃霸位至丞
相朱邑至大司農皆顯秩也而傳顧紀其爲守若令時
治行獨詳蓋循吏若斯之難也向使忠信之長慈惠之
師與庸碌同湮後來者其奚勸與考自三代以來嘗官
斯土而德功卓卓可述者著其姓氏與其爵里繫以事
實俾後之人有以觀焉作宦績志

歷代循良

周

趙朝趙勝曾孫魏獻子爲政以爲平陽大夫謂朝餘子
之不失職能守業者也

僚安晉人魏獻子爲政以賢舉爲氏大夫

卻犖缺之從子晉景公時爲大夫
卻錡號爲三卻俱有才辨
邑於襄陵與卻至
犖爲使有禮謀事

有智臨戎有
文祀名宦

羊舌肸字叔向晉之公族也世爲大夫事悼公平公昭
公食邑于楊習于禮而勇于義以直聞于諸侯

雖不專任晉國而晉之執政諸勳之
湯郎洪洞縣祀名宦



漢

季布 楚人為河東守文帝召為御史大夫弗果用布進

番係 九江人為河東太守武帝元朔五年遷為御史大夫嘗言穿渠引汾溉皮氏汾陰下引河溉汾陰蒲

坂下度可得五千頃

田延年 字子賓陽陵人昭帝時為河東太守選板尹翁歸等誅鉏豪強奸邪不敢發入為大司農

黃霸 字次公陽夏人少學律令為河東均輸長以廉察

周堪 字少卿與蕭望之受遺詔輔政元帝即位拜光祿大夫領尚書事數燕見言治亂事石顯憚之數于

上前譖毀遂左遷為河東太守未幾因日食復召堪復其位

趙護 為河東都尉成帝時廣漢盜起拜為太守擊平之

平陽府志

卷之二十

宦績

二

蕭咸 字子仲蘭陵人太傅望之子元帝時為河東太守有政績數增秩賜金官至大司農

甄尊 字少公杜陵人為河東太守二歲成帝建始三年遷為京兆尹

杜詩 河內人光武時為河東太守平逆賊楊異等有功

焦贛 山陰人河東太守以楚王英連及卒于塗妻子繫獄諸生故人皆改名避禍弟子鄭詣闕訴冤得

釋送喪及妻子還鄉里由是亦顯名

葛龔 字元甫梁國寧陵人以善文記知名性慷慨壯烈勇力過人永初中舉孝廉拜蕩陰令州舉茂才為

臨汾令居二縣皆有稱績著文賦碑誄書記凡二十篇

劉祐 字伯祖安固人桓帝時為河東太守時屬邑令長多中官子弟百姓患之祐到郡黜治權豪伸平抑

帝疎為三河最

史弼

字公謙考城人靈帝時為河東太守被詔書

侯覽遣諸生齎書請之并求假鹽稅積日不得通乃說

以他事謁弼而因達覽書弼大怒曰太守忝荷重任當

選士報國爾何人而為詐無狀命左右引出捶楚數百

府丞掾吏千餘人皆諫于廷弼不對遂付安邑獄即日

拷殺覽怒詎弼誹謗檻車徵入吏民詣闕訴之後得免

歸田里杜門不出

皇甫嵩字義真安定朝那人度遼將軍規之兄子也父

初舉孝廉茂才為臨汾令父喪去官後平黃巾封槐里

侯拜太尉卒贈驃騎將軍印綬

王邑字文都涇陽人獻帝時為河東太守帝為李淮郭

以下後封邑為列侯

魏

平陽府志

卷之二十

宣續

三

鍾繇字元常潁川長社人建安中以司隸校尉持節督

尚河東太守郭援到衆甚盛諸將議欲釋之去繇曰袁

氏方強援之來關中陰與之通所以未悉叛者顧吾威

名故耳若棄而去示之以弱所在之民誰非寇讐縱吾

欲歸其得至乎此為未戰先自敗也且援剛愎好勝必

易吾軍若渡汾為營及其未濟擊之可大克也時張既

說馬騰遣子超將精兵逆之援至果輕渡汾衆止之

不從濟水未半擊大破之斬援降單于後詔徵河東太

守王邑邑心不願徵郡掾衛固及中郎將范先等詣繇

求乞邑而後太守杜畿已入界縣不聽先等促邑交符

邑乃歸許固尋與張晟張琰及高幹等並為寇又率諸

將討破之繇封定陵侯

仕至太傅卒諡曰成

張既字德容馮翊高陵人舉茂才司隸校尉鍾繇遣說

馬騰等騰遣子超會擊袁氏并州刺史高幹河東

太守郭援大破之斬援幹降而復舉兵河東衛固等應

之以既為議郎參繇軍事徵馬騰等會擊斬固幹奔

州魏時封西鄉侯卒諡曰肅

呂虔

字子洛伍城人魏太祖在兗州聞虔有膽策以為從事將兵守湖陸襄陵尉杜松部民吳母等作亂

與呂稀通太祖以虔代松虔到招誘吳母渠帥及同惡數十人賜酒食簡壯士伏其側察吳母等醉盡格殺之撫其餘衆羣賊乃平太祖以虔領太山太守徐州刺史封萬年侯

杜畿

字伯侯京兆杜陵人舉孝廉建安中高幹舉兵并州河東太守王邑被徵河東人衛固范先外以請

邑為名而內實通幹魏武謂荀彧曰河東被山帶河四鄰多變當今要地也君為我舉蕭何寇恂以鎮之彧曰杜畿勇足以當大難智能應變乃其人也於是拜畿為河東太守固等使兵絕陝津或謂畿曰宜須大兵畿曰河東有三萬戶非皆欲為亂也今兵迫之急欲為善者無主必懼而聽於固固等勢專必以死戰討之不勝四鄰應之天下之變未息也討之而勝是殘一郡之民也且固等未顯犯王命外以請故君為名必不害新君吾

平陽府志

卷之二十

官績

四

單車直往出其不意固為人多計而無斷必為受吾吾得居郡一月以計縻之足矣遂詭道從郛津度范先於門下斬殺主簿已下三十餘人畿舉動自若固曰殺之無損徒有惡名遂奉之畿謂衛固范先曰衛范河東之望也吾仰成而已然君臣有定義成敗同之大事當共平議以固為都督行丞事領功曹將校吏兵三千餘人皆范先督之固等喜雖陽事畿不以為意固欲大發兵畿患之說固曰今大發兵衆必擾不如徐以貲募兵固遂為貲調發數十日乃定又入喻固等曰人情顧家諸將橡吏可分遣休息固等惡逆衆心又從之於是善人陰為援惡人分散固等密調兵未至畿知諸縣附已因出赴張辟拒守固等與幹晟共攻畿不下遂敗固等伏誅餘黨皆赦之使復其居業時郡縣皆殘破河東最先定少耗滅畿治之崇寬惠與民無為嘗詞訟有相告者畿親見為陳大義遣令歸諦思之若意有所不盡更來詣府鄉邑父老自相責怒曰有君如此奈何不從其教自是少有詞訟班下屬縣舉孝子貞婦順孫復其徭役隨時慰勉之漸課民畜犍牛草馬下逮雞豚犬豕皆有

章程百姓勸農家家豐實幾乃曰民富矣不可不教也
於是冬月修戎講武又開學宮親自執經教授郡中化
之韓遂馬超舉兵河東雖接境民無異心魏武西征至
蒲阪與敵夾渭為軍軍食一仰河東及敵破餘粟二十
餘萬斛下令曰河東太守杜畿孔子所謂禹吾無間然
矣增秩中二千石魏武征漢中遣五千人運運者自勉
曰人生有一死不可負我府君終無一人逃亡其得人
心如此魏國建入為尚書事平更令曰昔蕭何定關中
寇何平河內卿有其功間將授卿以納言之職顧念河
東吾股肱之郡克實之所足以制天下故且煩卿卧鎮
之畿在河東十六年常為天下最魏初封豐樂亭侯為
尚書僕射試船陶河投贈太僕謚曰威嚴初在郡被書
錄寡婦幾但取寡者故所送少及趙儼代畿而所送多
民益思之正始中官河東太守所在務存大體其
樹惠愛益得百姓歡心雖不及畿而立朝建議蓋有可
觀焉後河東樂詳年九十嘗上書頌畿之遺績朝廷感
焉詔為豐樂亭侯

平陽府志

卷之二十

宦績

五

吉茂

字暢馮翊池陽人建安中舉茂才除臨汾令居
官清淨吏民不忍欺轉為武德侯庶子景初中卒

茂修行從少至長室如
懸磬儲一不肯受

徐邈

字季山燕國薊人黃初中歷平陽太守所在著稱
封都亭侯官至司空嘉平初卒謚曰穆朝廷追思

清節之士詔曰夫顯賢表德聖王所重舉善而教仲尼
所美故司空徐邈征東將軍胡質衛尉田豫皆廉潔前
朝歷事四世出統戎馬入掌庶政忠清在公不營家
不營產業身沒之後家無餘財朕甚嘉之其賜追賜家
穀二千斛錢三十萬布告天下

晉

王濬

字士治農人博涉墳典恢廓有大志嘗辟為
東從事守令有不廉潔者皆望風解去刺史徐邈

以女妻之後參鎮南軍
事以平吳功封襄陽侯

李重

字茂曾江夏鍾武人太熙中為行討督護軍平

身率下在職三年彈黜四縣弟疑亡表去官永康初趙

王倫用為相國左司馬以憂卒家貧宅宇狹小無殯殮

之地詔與客署管喪追

贈散騎常侍諡曰成

李矩

字世廻平陽人封東明亭侯為平陽郡督護後鄉

人多疫癘矩垂心恤百姓賴焉會長安羣盜東下所

在多虜掠知遣部將擊破之盡得賊所畧婦女千餘人

諸將以為非矩所部欲盡留之矩曰俱是國家臣妾焉

有彼此乃一時遣之後至魯陽墜馬卒

北魏

崔元珍

博陵安平人正光末除平陽太守假

初改郡為唐州仍除刺史加右將軍以破賊勲賜爵涼

城侯爾朱榮之趨洛也遣其都督樊子鵠取唐州元珍

平陽府志

卷之二十 宦績 六

與行臺郎廳憚拒守不從為

子鵠所陷被害世咸痛之

高市貴

善無人少有武用孝昌初恒州內部救勒劉嶠

西魏

郭文恭

字道人太平令竭力工營寒暑不怠祀名官

東魏

封子繪

渤海蓆人為平陽太守晉州北界霍山舊號千里徑者山坡高峻每大軍往來苦之子繪請別

開一路旬日而就

莫多婁貨文

太安狄那人驍果有膽氣從高祖舉義封石城縣子從平爾朱兆於赤嶺嶺獲兆屍

天平中除晉州刺史汾州

高祖親討之以

貨文為先鋒每有戰功還資奴婢三十人牛馬各五十

匹布一千匹仍為汾陝州東雍晉泰五州大都督後與

太保尉景攻東雍南汾二州克之元象初與周軍戰沒

於源潤子敬顯繼直勳幹桓從斛律光征討數有戰功

位至領軍將軍武平中車駕幸晉陽每令督留臺兵馬

糾察盜賊京師肅然七年從後主平陽敗歸并州與唐

邕等推立安德王稱尊號安德敗羣官皆殺同軍雖敬

顯走還鄴周平鄴執斬於闕

平陽府志

卷之二十

宦績

七

北齊

斛律光

字明月朔州勅勒部人金子也少工騎射以武藝知名當時傳號落鴈都督天保三年除晉州

刺史東有周天柱新安牛頭三成招引亡叛屢為寇竊

七年光率步騎五千襲破之又大破周儀同王敬儒等

獲口五百餘人雜畜千餘頭而還九年又率衆取周將

用白馬渰交翼城等四成除朔州刺史十年二月率騎

一萬討周閼府曹迴斬之相谷城主儀同薛岳生棄城

奔遁遂取文侯鎮立成置柵而還乾明元年除并州刺

史清河二年四月率步騎二萬築勳掌城於軹關西仍

築長城二百里置十三戍三年正月周遣將達奚成興

等來寇平陽詔光率步騎三萬禦之成興等聞而退走

光逐北入其境獲二千餘口而還遷司徒冬又以邯山

大捷遷太尉天統元年轉大將軍三年襲爵咸陽王并

襲第一領民酋長轉遷太保武平元年詔加右丞相并

州刺史冬率步騎五萬於玉壁築華谷龍門二城與

齊國公宇文顯申國公拓跋顯敬等相持憲等不敢

元乃進圍定陽仍築南汾城置州以逼之夷夏萬餘戶
並來內附二年率眾築平隴衛壁統戎等鎮戍十有三
所周柱國枹罕公晉屯衛柱國韋孝寬等步騎萬餘來
逼平隴與光戰於汾水之北光大破之俘斬千計軍還
詔復令率步騎五萬出平陽道攻姚襄白亭城戍皆克
之獲其城主儀同大都督等九人捕虜千人拜左丞相
光在朝堂嘗怒祖瑱帝賜穆提婆晉陽之田光言於朝
曰此田神武帝以來常種禾飼馬數千匹以擬寇難今
賜提婆無乃闕軍務也繇是祖穆積怨周玉壁城將韋
孝寬作謠言令間諜漏其文於鄴曰百升飛上天明月
照長安又曰高山不推自崩柵樹不扶自豎祖瑱穆提
婆暨何洪珍因構譖之乃引光入拉殺於涼風堂盡滅
其族惟小子鍾年數歲獲免周武帝聞光死大喜赦其
境內後入鄴追贈上柱國公指詔書曰此人若在朕豈
能至

北周

平陽府志

卷之二十

官職

八

泉企

孝武時爲東雍州刺史高歡專政孝武有西顧之
心欲委企以山南之事乃除洛州刺史常州都督
未幾孝武西遷歡率眾至潼關企遣其子元禮督鄉里
五千出大谷以禦之高歡不敢進梁魏與與洛州接壤
表請內屬大行臺賀拔岳以企昔蒞東雍爲吏民所懷
乃表復爲刺史詔許之

唐永

初仕魏大統初爲東雍州刺史性清廉家無積蓄
妻子不免飢世以此稱之

柳霞

字子昇河東解人曾祖卓徙襄陽霞幼而英爽邁
世父慶遠特器異之霞爲岳陽王啓聞喜縣公持
節侍中後啓以襄陽歸周保定中啓入朝授使持節驃
騎大將軍開府儀同三司霍州諸軍事霍州刺史霞導
民義先以德再三不用命者乃微加貶異示之耻而已
其下感而化之不復爲過咸曰我君仁惠如此其可欺
乎天和中卒

府志柳遐

隋

范執開皇間為臨汾令開鼓堆泉十二渠以溉民田民歌頌之為立祠渠旁

周搖字世安洛陽人剛果有武藝性謹厚動遵法度初仕魏開府儀同三司搖從平齊每戰有功授柱國

封夢國公拜晉州總管時隋高祖為定州總管文獻皇

后自京師詣定路經搖所至禮甚薄白后曰公解甚富

於財限法不敢輒費又王臣無得效私高祖以其奉法

每嘉之隋開皇中卒謚曰恭

唐

宋老生未詳何處人代王侑遣老生帥兵三萬守霍邑唐兵至老生與戰馬蹶被擒死之事見人物明

成化八年知州鮑克恭立祠墓前

李孝恭高祖族姪武德中平蕭銑輔公祏封河間王歷晉州刺史貞觀中為禮部尚書卒謚曰元

蕭瑀字時文梁明帝子初仕隋內史侍郎嘗從幸鴈門瑀進謀曰可賀敦與兵馬事况義成公主乎若走

平陽府志 卷之二十 宦績 九

一介使鐫喻宜不戰而解又顧收高麗專討突厥則人

自奮從之突厥果解去武德初歸唐封宋國公貞觀中

授晉州都督歷太子太保卒謚貞

陶善鼎為臨汾縣令縣東北十里舊有高粱堰武德中引高粱水溉田入百金泊貞觀十三年為水所

壞永徽二年刺史李寬自東二十五里夏柴堰引滴水

溉田善鼎復治百金泊亦引滴水溉田乾封二年堰壞

乃西引晉水

盡心民事

崔翳永徽間令曲沃引鼓堆泉溉田百頃

劉齊賢魏州觀城人道祥子襲封自侍御史出為晉州司馬高宗聞其方正甚禮之時將軍史興宗從

苑中弋獵因言晉州出好鵝劉齊賢見為司馬請使捕

之上曰劉齊賢豈覓鵝人耶卿何以此待之遂止永淳元年累遷黃門侍郎同平章事代裴炎為侍中力辨炎事再貶吉州被害

李寬

永徽二年為晉州刺史於臨汾縣東二十五里夏
柴堰引滿水溉田

張懷器

以成均學生明經擢第俄補麟臺校讐累官至
咸陽縣丞嗣聖間以應舉及第授翼城令引翔

高之泉以便灌溉開滄陰之道以通行旅又闢荒田五
百餘頃邑人愛之盧照鄰為作去思碑

李朝隱

京兆人以明法中第中宗時調臨汾尉累轉聞
喜令操履清正政績著聞入為侍御史後代崔

祐甫為御史大夫卒贈吏
部尚書謚曰貞祀名宦

尹思貞

京兆長安人舉明經長安中累遷秋官尚書以
忤張昌宗再徙晉州刺史前後為十三州刺史

皆以清簡為政奏議連最封天水郡公遷御史大夫卒
贈黃門監謚簡

魏知古

涿州陸澤人第進士神龍中授晉州刺史累遷
同中書門下三品為侍中封梁國公罷政使卒

謚曰忠宋璟聞而嘆曰叔向古遺直子產古遺愛兼之
者其魏公平乎

平陽府志

卷之二十

宦績

十

蕭至忠

沂州人秘書丞少監德言孫神龍中拜黃門侍
郎同平章事遷侍中中書令景雲初出為晉州

刺史甚有能名默歿遭大臣來朝見至忠風采遠巡畏
俯謂人曰是宜入相何乃居外乎先天二年復為中書

令

康日知

靈州人祖植當開元時轉康待賓封天山縣男
日知事李惟岳為趙州刺史惟岳拒命與部下

共盟固州擢深趙觀察使復破王武俊徙奉誠軍節度
再轉晉絳加檢校尚書左僕射封會稽郡王卒贈太子

太師

齊澣

定州人天寶初由蒲州司法叅軍為平陽太守以
清淨為治

崔倫

字叙及涿州安平人第進士歷吏部員外郎陷祿
山不汙偽官下遷晉州長史李齊物訟其忠授長

安令使吐蕃拘留六年
不屈卒贈工部尚書

房瑒

河南人肅宗時以禮部尚書出為晉州刺史

韓恪

大間以議郎任翼城令性廉直人懾服之

李侃

建中末項城令李希烈遣兵攻之侃嚴守不下賊引去詔遷太平令

李愬

晟子德宗初為晉州刺史以治異等加金紫光祿大夫後以平蔡功累進尚書左僕射同中書門下

平章

事

韋丹

字文明京兆萬年人孝寬六世孫舉五經高第元和元年拜晉慈恩觀察使封咸陽郡公閱歲自陳

所治三州非要害地不足張職為國家費不如屬之河東上從之

王逢

許州人忠武軍節度沛子以功歷諸衛將軍太和

中從石雄劉沔破同乾於天德軍王宰攻劉稹逢

平陽府志

卷之二十

宦類

十一

王式

太原人起子擢賢良方正科大中中為晉州刺史

獨式勞恤之活千人時大數流民徙他州不納

式嚴備不取道免報其種落曰晉州刺史當避之以善

李洞

以給舍郎行翼城主簿一秉公正人不取干以私

唐彥謙

字茂業并州人咸通末舉進士為河中從事歷

後唐

張仲溫

長興元年為翼城令才識饒敏治行卓異縣舊

逢寨曰據險以守無如此者迄今尚仍其地

周

程光遠 世宗時以監察御史守翼城賄賂不行以風聞著聞時值使王德都虞侯張進鎮翼常戒其下曰無犯程公其見嚴憚如此祀名宦

宋

楊廷璋 字溫玉正定人周初為昭義兵馬都監世宗時鎮晉州有惠愛屬被北漢堡砦置保安興同白壁等十餘砦遣監軍李謙溥知隰州合勢大敗并人世宗喜曰吾舅真能禦寇詔褒之加檢校太保恭帝加檢校太傅宋初加檢校太尉吏民詣闕請立碑頌功德命盧多遜撰文賜之李筠潛遣吏賈贖書求援械送汴京因上攻取策郎下詔委以經畧及率所部入陰地分賊勢賊平歸鎮廷璋善待士幕府多知名人在晉州命荆罕儒為鈐轄罕儒以廷璋周朝近親每入府中從者皆持刀劍欲圖廷璋廷璋推誠待之殊不設備罕儒亦不敢發終亦無患

平陽府志

卷之二十

宣續

十三

王晏 徐州滕人成陝州斬遼將劉愿歸漢祖以為絳州防禦使遷建雄軍節度加同平章事周祖加兼侍中廣順元年劉崇來侵敗之宋初封趙國公從征李筠致仕卒

趙贊 字元輔幽州薊人延壽子七歲誦書二十七卷賜童子及第後遼署河中節度延壽北歸贊得留鎮河中漢祖加檢校太尉仍鎮河中宋乾德六年為建雄軍節度秋為汾州路部署開寶二年又為河東道行營前軍馬步軍都虞侯車駕薄城下分軍四面贊扼其西偏并人乘勝自突門潛犯贊壘贊率衆擊之久而方退弩矢貫足太祖勞問數四賜良藥得之四年改鄆州太宗封衛國公卒贈侍中贊接士大夫以禮馭下有方畧吏民畏服亦賢帥也

王明 字如晦大名成安人周廣順初劉崇寇晉州命藥元福將兵禦之事多諮於明先是州縣吏部送丁壯餉糧多遁去元福怒盡驅官吏出軍門將就戮明馳往止之曰今軍儲無關丁夫數萬人文吏懦不能制

之何益不如寬以待之賊敗凱旋公無專殺之名不亦善乎元福感悟悉免其死既而崇衆宵遁郎命元福鎮晉州奏署明爲書記賜緋魚宋開寶中平嶺南江南功尤著雍熙四年知并州晉秩禮部侍郎卒

張去華字信臣開封襄邑人第進士從太祖征太原以起居舍人監隨駕左藏庫後以將作少監知晉

州景德中以工部侍郎致仕卒去華嘗獻元元論大旨以養民務穡爲急真宗命以縑素寫其論爲十八軸列置龍圖閣之四壁云

崔遵度字堅白淄川人純介好學太平興國進士爲臨汾主簿有惠政部晉州芻糧三抵潞州涉無定

河河沙與水混流無定跡陷溺相繼遵度憫之著銘以紀焉端拱初轉運副使夏侯濤上其勤狀召歸擢著作佐郎後爲

昇王友卒

任中正曹州濟陰人太宗時第進士以監察御史按晉州盛梁獄論如法遷殿中侍御史既而有與梁

平陽府志 卷之二十 宦績 三

善者密中之出爲荆湖轉運使真宗時以樞密直學士知并州遷給事中累拜樞密副使叅知政事降秩卒謚

懿康

李垂字舜工聊城人咸平進士修起居注不謁丁謂出累遷知晉州又知絳州明道中召還祇候李康伯

言宜謁宰相垂曰我若昔謁丁崖州則乾興初已爲翰林學士矣今已老大見大臣不公常欲而折之焉能趨

炎附熱看人眉睫以冀推轂乎道之不行命也復出知均州卒

李若谷祥符間爲翼城縣主簿振厲學校貧民有不能嫁娶者捐俸餘以給士民咸愛之

文彥博以大理評事知翼城縣事平易近民課農桑親履阡陌紀綱整飭修河堤以防民患廣勵學宮

大振士習累官至丞相潞國公至今邑人思之稱其河亭曰潞公軒祀名宦

陳希古天禧間由進士以秘書著作郎知翼城事有文學多所振刷百度修舉邑之風俗迥然一變

劉隨 字仲豫開封考城人第進士爲右正言坐不察人私授策辭累徙通判晉州還朝遷右司諫累遷

言丁謂王欽若惡又諫章獻后終天章閣待制隨臨事明銳敢行人號水晶燈籠

尹洙 字師魯河南人第進士調正平縣主簿慶中以右司諫知渭州兼領涇原路經畧公事再徙知晉

州遷起居舍人直龍圖閣知潞州會董士廉訟洙詔遣御史劉浞就鞫不得他罪而以微公使錢貸才將孫用

浞訟洙自貸坐貶崇信軍節度副使卒洙於西事尤練習爲慶名臣所至胥有治績而不克盡其用云

司馬池 字和中夏縣人第進士蒞政質易不爲剽割以天章閣待制知河中府再徙知晉州卒

李及之 字公達濮州人廸弟子也田廬登第仁宗時知晉州吏事精明所至稱職致仕卒

孫甫 字之翰許州陽翟人初舉進士得同學究出身再舉進士及第李紱薦其材遷大理寺丞知絳州翼

城縣杜衍辟之後又以直史館知晉州終於侍讀

平陽府志

卷之二十

官績

志

陳子履 由進士以校書郎知翼城縣歐陽修爲序送之政有仁聲

李周 知洪洞縣民有世絕而官錄其產者其族晚得遺券周取以還之縣南有澗支流湍入爲害周築新

堤以護衝決民乃不病以司馬光爲召至訪以禦邊之術知邠州徙鳳翔至吏部侍郎周爲小官郎沉晦自匿

未嘗私謁執政而人自欽重之

孫民先 嘉祐初任曲沃縣事勤慎愛民作興學校祀名宦

孫固 管城人爲霍邑令宰相韓琦知其賢諭使來見固不往琦益器重之

扈周卿 大名入嘉祐中爲襄陵令視事終日無倦色未半歲刑清訟簡政恬俗熙簿書之外每有所施

設後以憂去民追思之

劉恕 字道源筠州人渙子少穎悟書過目卽成誦舉進士講經義擢第一而廷試不中格更試講經復

一遂賜第為和川令發強撻伏一時能吏目以為不及
恕為人重意義急然諸郡守得罪被劾屬吏皆連坐恕
獨恤其妻子如已骨肉又面數轉運使深文峻詆司馬
光編修資治通鑑英宗命擇館閣英才共修之光對曰
專精史學臣得而知者惟劉恕耳即召為局僚遇史事
紛錯難治者輒以諉之恕卒後七年通鑑成追錄其勞
官其子

李察

以朝奉郎知翼城縣政平訟簡不喜鉤鉅時訪民

呂誨

字獻可開封人端孫舉進士治平中為侍御史知

知河中府召入累遷御史中丞首論王安石司馬光嘗
勸止之後深服其先見明年誨疾光往省之至則目已
瞑聞光哭聲歷然而起張目強視曰天下事尚可為君
實勉之光曰更有以見屬乎曰無有遂卒海內痛惜之
李清臣字邦直魏人舉進士為和知令歲滿薦者踰十
數應得京官適舉將薛向有公事未竟闕銓格

平陽府志

卷之二十

官績

主

判銓張揆撻使自陳勿用清臣曰人以家保已而已拾
之薄矣願待之揆離席曰君能如是未可量也應材識
兼茂科入等元豐六年拜尚書右丞哲宗初轉左丞出
外元祐九年復拜中書侍郎徽宗初再拜門下侍郎為
曾布所陷出外卒清臣起身窮約以儉自持居官奉法
毋敢撓以私云

王巖叟

字彥霖大名清平人十八舉明經林鄉與省試
廷對皆第一熙寧中監晉州折博煉鹽務元祐

中拜中書舍人滕甫帥太原為走馬承受所撼徙穎昌
巖叟封還詞頭言進退帥臣理宜重慎今以小臣一言
易之使後人畏憚不自保此風浸長非委任安邊之福
乃止六年簽書樞密院事罷為端明殿學士卒

司馬樸

字又季夏縣人育於外祖范純仁調晉寧軍叅
軍通判不法轉運使王似調樸伺其過樸曰下

使陷長官不惟亂常人且不合吾餘矣不敢奉教似賢
而薦之靖康初入為右部虞司員外郎

祁昂

晉寧統制與徐徽言同被執不屈而死贈成忠郎
團練使父翊宣和末知朔寧府救太原死於陣世

著忠義云

李若水

字清卿洛州曲周人上舍登第調平陽府司錄

歸兵已南下復假徽猷閣學士往至中牟還晉禮部尚書殉節青城謚忠愍

宗澤

字汝霖婺州義烏人第進士調晉州趙城令下車請升縣為軍書聞不盡如所請澤曰承平時固無

慮他日有警當知吾言矣高宗初除龍圖閣學士言刑部指揮云不得謗播赦文於河之東西陝之蒲解是禡天下忠義之氣而自絕其民也臣雖駑怯當躬冒矢石為諸將先李綱薦知開封府河東巨寇王善擁眾七十萬車萬乘澤單騎至營招降之又連結河東山水若忠義民兵卒贈觀文殿學士謚忠簡

向宗

開封人宣和間知翼城疎達明敏興仆植僵刑清政簡吏民畏愛飛名宦

金

平陽府志

卷之二十

宦績

共

張浩

字浩然遼陽渤海人天會八年賜進士及第天眷中為平陽尹平陽多盜臨汾男子夜掠人婦治捕

得榜殺之盜遂衰息近郊有淫祠郡人頗事之廟祝田主爭香火之利累年不決浩撤其祠投其像水中強宗黜吏屏跡莫敢犯者郡中大治乃繕葺堯帝祠作擊壤遺風亭後封蜀王拜左丞相太師卒謚文康配享世宗

廟庭

劉徽柔

字君美大興安次人天眷二年擢進士第為開遠軍節度掌書記遷洪洞令明敏善聽斷縣人

楊遠者投牒於縣以為夜雨屋壞壓其姪死號訴哀切徽柔熟視而笑曰汝利姪財而殺之乃誣雨耶叱付獄其人立伏曰公神明也不敢延處遂真於法秩滿縣人遮戀不得去者彌日為立生祠刻石頌德大定二年同知河東南路轉運使事以廉第一改知平定軍仕至中都路轉運使卒

丁曄仁

字藏用大興府宛平人皇統二年登進士第為和川令前令罷奕不事事羣小越法干禁無所